



凌雲閣稿
二

批

共三

^16
2438
2



和
2438
3-2

凌虛關漫稿卷之三目錄



批判

領議政李宗城引義乞免劄批

癸酉

領府事金在魯請致仕劄批

領議政李宗城引義書批

執義閔宅洙掌令權賅詣臺傳達又論尹光纘

李聖述罪狀達批

大司憲柳復明陳勉兼陳蔘弊仍請上稟 大

朝還寢崔錫恆叙復之典書批

領議政李宗城因災異引咎乞免書批

右議政金尙魯因旱引咎劄批

兵曹判書金尙星請覈本曹逋吏書批

持平李尙允因旱陳東城外暴骸掩土仍乞遞書批

副司直洪鳳漢因臺臣東城外暴骸築城時不

善掩土事上書引義乞遞書批

持平李厚達因旱陳請崔錫恆追奪尹東輅亟

施屏裔之典書批

副司直權禰引老乞遞書批

持平邊致明乞遞陳勉仍請戊申餘孽疏釋處

分時不言臺臣警責書批

獻納金光國請泰績快正王法明彥還寢放釋
達批

修撰李得宗辭職徑出書批

文學朴道源論具宅奎父子引義乞遞書批

同副承旨閔百祥引義乞免書批

負罪臣李天輔辭相職書批

領議政金在魯乞免劄批

左議政李天輔引咎乞免書批

負罪臣金尙魯引咎乞免書批

禮曹參判南有容等因大臣論斥乞遞書批

判義禁李益炆陳懇乞遞書批

忠清全羅兩道儒生尹得佑等請兩宋先正從

享書批

領議政金在魯左議政李天輔引咎乞免劄批

右議政趙載浩拜相辭職書批

甲戌

洛昌君檜請叙宗臣議諡鎮安大君劄批

領議政金在魯辭職劄批

左議政李天輔辭職書批

前縣令申暲辭職書書筵官宋明欽辭職書批

左議政李天輔辭職書批

正言鄭栻論西平君橈及李漢範等達批

獻納柳謩論趙東濟等書批

司諫朴致文陳勉書批

弘文提學南有容辭職書批

司諫朴致文論李潛書批

前泰仁縣監崔載興辭職兼附陳勉書批

大司諫南泰溫請仰陳 大朝冀寢親享書批

贊善閔遇洙辭職書批

正言申大脩論尹光纘等達批

正言徐命膺陳勉書批

靈城君朴文秀陳辨書批

成均館捲堂達批

正言徐命膺因館儒捲堂對辨書批

成均館再達批

成均館三達批

獻納宋德中陳救申大脩論趙載洪書批

掌令李河述言事書批

吏曹參判曹命采辭職書批

戶曹參判鄭翬良陳辨書批

副司直閔塔請稱慶書批

慶尙道幼學郭守範等請先正宋時烈從享書批

判府事李宗城闕禮引疾書批

修撰尹東星辭職書批

四學儒生金星煥等請兩宋先正從享書批

弼善柳正源辭職書批

兵曹判書洪象漢辭職書批

右議政趙載浩引咎劄批

領議政李天輔乞免書批

右議政趙載浩乞免劄批

領府事金在魯遭人言辭職劄批

左議政金尙魯因首揆引入乞被同罪劄批

左議政金尙魯因申暉書辭職劄批

領議政李天輔因趙宗溥事陳辨書批

正言金相度救元仁孫仍請疏釋言事諸臣書

批 乙亥

副司直鄭亨復因堂書侵斥陳辨書批

左議政金尙魯因正言金相度書引咎乞免書

批

咸鏡道六鎮儒生幼學許增等請仰稟 大朝

亟舉兩宋先正從祀文廟書批

領議政李天輔乞辨誣仍請勘罪書批

副提學吳遂采陳勉書批

咸鏡道六鎮儒生幼學吳泰燮等請仰稟 大

朝亟舉兩先正從享文廟書批

次對時松坡場市罷仍事舉條批

持平丁錫天論諸倅書批

獻納韓師直辭職兼陳公州木川火藥善山鈛

丸燒火見失事嚴加究覈及慶尙兵使該地

方官罷拿事及學事停達臺臣譴罷書批

洛昌君檜請導達 大朝稱慶陳賀劄批

掌令李光瀾言事書批

持平趙重明言事書批

西平君橈等請導達 大朝稱慶陳賀書批

持平李世鉉言事書批

校理南泰會請罷趙重明李世鉉李永暉書批

右議政趙載浩因趙重明書陳辨乞免劄批

左議政金尙魯因趙曦疏乞免劄批

正言金時默請寢趙曦罷職之令書批

副修撰俞漢蕭請寢趙曦罷職之令書批

右議政趙載浩因趙曦書乞免劄批

戶曹判書李喆輔因趙曦書辭職書批

漢城判尹李昌諄因趙曦書辭職書批

領議政李天輔因趙曦書乞免書批

左議政金尙魯引咎乞免劄批

右議政趙載浩以疾未參幸行乞免劄批

同副承旨權抗因玉堂疏乞遞書批

領議政李天輔引咎乞免書批

掌令宋時涵請故參判柳紗追奪兵議柳顯章

拿問書批

判義禁洪象漢同義禁韓翼暮因臺言乞遞書
批

副司直李日躋因憲臣言請譴書批

平安監司李台重以病乞遞書批

判府事李宗城引咎請勘書批

持平柳思欽請仰稟 大朝亟行諸賊收拏之

律書批

掌令宋時涵請前後合辭停論諸人并施屏裔
之典書批

持平洪良漢請仰稟 大朝亟行諸賊收拏之

律劄批

副司直李光溥等請仰稟 大朝亟行諸賊收

拏之律書批

工曹判書洪重徵請仰稟 大朝亟行諸賊收

拏之典書批

副司直李昌儒等請仰稟 大朝亟行諸賊收

拏之典書批

持平韓光協請仰稟 大朝以諸賊劄疏弁題

於勘亂錄傳示後世書批

及第李宜菴請仰稟 大朝亟行諸賊收拏之
典仍舉四大臣致祭書批

戶曹判書李喆輔引咎辭職書批

前縣監李永祚請被向來停達之罪書批

副提學吳遂采引咎請暇書批

前府使趙鎮世請被向來停達之罪書批

副司直金始煒請被向來停達之罪書批

判府事俞拓基闕禮引咎書批

右議政趙載浩闕禮引咎劄批

靈城君朴文秀闕禮引咎書批

憲府前達批

掌令李埵因憲臺言引咎乞遞書批

右副承旨柳顯章因臺書陳辨乞勘書批

左議政金尙魯引疾請勘劄批

判尹李昌諛請被向來停達之罪書批

副司直李匡世以病未參賀班引咎書批

慶尙監司李彝章辭職書批

左副承旨李景祚乞遞救護書批

知事李成中辭陞擢書批

司諫朴致文請仰稟 大朝亟行諸賊收拏之

典仍乞救護書批

正言元仁孫請諸罪人正法達批

領議政李天輔乞免書批

持平洪良漢請未伏法諸罪人嚴訊得情書批

兵曹參知吳彥儒辭職書批

仁平君李普燦因所遭乞免書批

正言宋文載以親病乞遞書批

持平沈穀請諸罪人正法達批

司諫朴致文請諸罪人正法書批

掌令李世泰請酌處罪人正法書批

正言宋文載請嚴問發捕罪人台炆之都事書批

領議政李天輔乞免書批

同副承旨南泰齊論歲抄達批

掌令金朝潤請酌處罪人正法達批

行副護軍權費陳勉書批

行副司直趙東漸因所遭請改名書批

領敦寧李天輔闕禮引咎劄批

右副承旨鄭光忠辭職書批

戶曹判書李喆輔因鞫招陳辨乞退書批

大司諫鄭光忠辭陞擢書批

執義朴弘雋言事仍乞養書批

成均館居齋儒生以請討諸賊解墨人金績熙

事捲堂達批

成均館儒生等不為還入達批

兵曹判書洪鳳漢辭職兼陳從兄弟交承難安

書批

廣州畱守李昌諛辭職書批

靈城君朴文秀遭兇賊之誣陳懇書批

獻納南鶴宗請光佐泰億錫恆依耆輝例施以

當律載於纂輯仍請沈墩上書區別三兇之

差殊宜施遠竄書批

前掌令金元行辭書筵官書批

慶尙道儒生李允復等請亟正三兇之罪仍論

以光佐稱師表而至被削黜者冒據巖廊不

參頒教奏對謬戾至發臺章而被拿於訊庭

者偃息京輦書批

忠清道儒生朴漢蕭等論不言光恆億三司諸

臣書批

修撰洪良漢請反汗元老處分之 命書批

獻納李壽德請收領府事金在魯罷職之命

書批

領議政李天輔引義乞免書批

掌令安復駿請收元老罷職之命兼論諸臺

書批

領議政李天輔請解藥院都提舉書批

判府事李宗城引咎乞免書批

領議政李天輔引咎乞免書批

弼善李基敬陳勉書批

書筵官宋能相陳懇乞遞書批

領議政李天輔引咎乞免書批

大司諫尹東暹等請前訓練主簿李再春以武

夫詬辱將臣以保舉凌罵主試以啓下罪人

脫枷橫行嚴法加律聯書批

司直黃景源辭副使書批

領議政李天輔辭免書批

黃海道幼學李勉儒等請兩宋先正從享書批

副修撰趙曦引咎仍論大臣書批

吏曹判書申晚辭職書批

領議政李天輔以洪晟調用事引嫌劄批

弼善徐命膺書批 留中

時敏堂次對引接時大臣以洪晟孝行薦舉事
被人言引嫌舉條批

副司直南有容乞收闡義昭鑑跋文撰進之
命書批

刑曹參議李光運引咎乞遞書批

黃海道儒生宋必謹請兩宋先正從享書批

執義李敏坤請禁酒書批

黃海道儒生李顯白等請兩宋先正從享書批

右議政趙載浩引咎乞免劄批

判府事俞拓基引咎乞免書批

右議政趙載浩乞遞劄批

戶曹判書鄭翬良辭職書批

領府事金在魯判府事俞拓基引疾劄批

凌虛關漫稿卷之三目錄

凌虛關漫稿卷之三

批判

領議政李宗城引義乞免劄批

癸酉

覽劄具悉昨批已諭心曲而辭劄又至誠意之未孚
心實歉然以疾未參庸何所傷卿須體 大朝下教
辭旨之鄭重顧小子日夕待卿之苦心至意勿復控
辭幡然回心弘濟國事

領府事金在魯請致仕劄批

覽劄具悉卿懇休致不可輕許常廩卿何過辭卿須
安心領受



領議政李宗城引義書批

覽書具悉卿懇前批已悉余志而辭本又至自顧誠淺良欲無言噫卿之所遭雖曰非常 大朝之開釋敦勉亦加以非常之禮則卿何可循常例而守常分不思承當之道乎又况元輔重任決無準許辭懇之理安心幡然登途用副如渴之望

執義閔宅洙掌令權賅詣臺傳達又論尹光纘李聖述罪狀達批

不從驪川等事向者 聖教辭旨惻怛而至今不能仰體 聖意此實由余不敏甚悚焉勿復煩達尹光

纘及李聖述事 大朝已處分矣

大司憲柳復明陳勉兼陳蔘弊仍請上稟 大朝還寢崔錫恆叙復之典書批

覽書具悉憂愛陳勉言甚懇切可不體念單蔘事令廟堂稟處 大朝昨冬處分至當其何如是卿其勿辭從速察職

領議政李宗城因災異引咎乞免書批

覽書具悉卿懇旱災孔酷心甚罔涯而所勉切至當體念矣前此下答非止一再卿何恬然無就途之意乎况此時輔相之任尤不可輕許卿何獨為引咎卿

須安心登途

右議政金尙魯因旱引咎劄批

覽劄具悉卿懇遇災陳勉言甚切至當銘心 大朝
靜攝之中再次禱雨大霈尙靳此實由余誠淺卿何
過為引咎卿須安心勿辭即起視事

兵曹判書金尙星請覈本曹逋吏書批

覽書具悉因 大朝特教移送秋曹自可嚴覈卿之
為嫌殊涉過當卿其勿辭從速行公

持平李尙允因旱陳東城外暴骸掩土仍乞遞
書批

覽書具悉四朔旱災心焉悶迫所勉當畱念茲事果
如所陳則極為驚慘依施而監瘞官亦令該府拿問
處之爾其勿辭從速行公

副司直洪鳳漢因臺臣東城外暴骸築城時不
善掩土事上書引義乞遞書批

覽書具悉茲事 大朝已開釋下教卿何過嫌卿其
勿辭從速察任

持平李厚達因旱陳請崔錫恆追奪尹東輅亟
施屏齋之典書批

覽書具悉四朔旱災心甚憫焉所陳畱意而崔錫恆

事昨冬 大朝處分至當矣尹東輅事 大朝已嚴處其子則一罪何必疊施其文付火事依施爾其勿辭從速察職

副司直權福引老乞遞書批

覽書具悉卿雖老矣氣力尚健卿其安心

持平邊致明乞遞陳勉仍請戊申餘孽疏釋處分時不言臺臣警責書批

覽書具悉所勉當畱念而所陳 大朝已處分之事何敢更稟臺諫警責事過矣爾其勿辭從速察職 獻納金光國請泰績快正王法明彥還寢放釋

達批

不從海陵等事頃者下答之後尚為如是殊涉寒心亟停勿煩泰績事明彥事其勿更煩

修撰李得宗辭職徑出書批

覽書具悉弘錄事 大朝特教申飭何如而一向遲滯事甚未安備員然後可以舉行爾其勿辭先察職後護焉

文學朴道源論具宅奎父子引義乞遞書批 覽書具悉辭書之中挾雜他語非矣爾其勿辭從速察職

同副承旨閔百祥引義乞免書批

覽書具悉辭書復提前說若是張皇此有違於大
殿幾年苦心而亦非仰承頃年辭教切嚴之 聖意
爾其勿辭上來察職

負罪臣李天輔辭相職書批

覽書具悉卿懇 大朝特命復拜相職之後不必如
是而况 園幸只隔數日尤不可以此引退且輔相
重任決無輕許遞免卿須安心幡然登途

領議政金在魯乞免劄批

覽劄具悉卿懇昨日 大朝勉諭勤懇懇余聞

聖教亦為興感卿豈不奉承乎今聞卿所慎深用慮
念而今日次對 成命之下不能奉行心切悶焉以
疾未參何傷卿須念小子日夕之望安心勿復過辭
量卿所慎之稍減其即視事無負昨日 聖上敦勉
之至意

左議政李天輔引咎乞免書批

覽書具悉卿懇昨日 大朝下答辭意鄭重我何多
諭而輔相之任兼以保護之職卿若念及於 大朝
靜攝之時不宜一向在外且念今日國事之罔涯則
必不復有控辭而一時做錯何可為嫌亦須安心

負罪臣金尚魯引咎乞免書批

覽書具悉卿懇日昨敦諭鄭重予若芥滯以今心神豈可為外面敦諭為教則卿聞此教必當感激出膺安心登途用副余意

禮曹參判南有容等因大臣論斥乞遞書批

覽書具悉大臣請推出於嚴科場之意卿等勿辭

判義禁李益炆陳懇乞遞書批

覽書具悉冬日滯囚可慮卿其勿辭先察職後護焉忠清全羅兩道儒生尹得佑等請兩宋先正從享書批

覽書具悉 大朝業有諭退修學業

領議政金在魯左議政李天輔引咎乞免劄批覽劄具悉卿懇安心須勿引咎且向者 大朝以次對久闕申飭之後連因事故只行一次 特教之下余深惶懼卿等勿復過辭即起視事

右議政趙載浩拜相辭職書批 甲戌

覽書具悉卿懇相職允叶枚卜自今鼎席具備甚幸甚幸首揆連呈辭單左揆亦尋鄉路余實悶然不省所喻卿須安心勿辭亦勿引咎即起視事用副 聖揀之意

洛昌君檉請叙宗臣議諡鎮安大君劄批
覽劄具悉罷職宗臣事所陳是矣並叙用鎮安大君
議諡事日後 大朝登對仰稟可也以疾未參有何
所傷卿其安心

領議政金在魯辭職劄批

覽劄具悉卿懇三單不許又因承宣已悉余志而誠
意未孚辭劄繼至余心實愧噫卿年雖老矣精力尚
健而况 大朝倚毗至為隆重又無別般難強之患
臥閣論道理無不可卿須體 大朝之至意且念小
子之決無準許亟斷來章即起視事

左議政李天輔辭職書批

覽書具悉卿懇向者手書已悉余意復何多諭 大
朝敦諭辭旨迥出尋常而至以蓼茶茶進御為教則
卿豈忍暫刻引退乎卿須勿復控辭即日就途用副
佇立之望

前縣令申暉辭職書書筵官宋明欽辭職書批

覽書具悉爾懇顧余忝叨貳位夙夜憂懼工味切磋
學媿格致臨筵講讀古聖賢書微辭奧旨未能洞悉
而山林宿德之納誨亦未聞於朝夕心切憂悶向者
大朝聖教出於崇儒重道之盛意爾雖讀書林下即

亦世祿之世臣耳况當盛壯之年時亦不可失母執
撫謙亦勿引咎即日就途補我不逮

左議政李天輔辭職書批

覽書具悉卿懇 大朝開釋之後不可一向引退况
向者 聖教辭旨至嚴雖辭書百至決難準許望即
就途用副余意

正言鄭樛論西平君橈及李漢範等達批

西平君事誠有此事人命至重而崇品宗班不可不
陳達于 大朝待下教當賜答矣李澤徵事過矣李
漢範及申思民成晉錫等事遠外之風聞不可輕許

並拿問

獻納柳審論趙東濟等書批

覽書具悉趙東濟事 大朝處分既嚴而請罪鄭樛
近於阿護金會元向煩 大朝聖教則焉敢若是殊
涉駭然遠外風聞何可盡信爾其勿辭從速察職

司諫朴致文陳勉書批

覽書具悉陳勉可不畱念書筵官之無意就途實余
不敏不能感孚之致心實忸怩諸臣之中雖有經學
之人奚比於宿德力行之士乎然令廟堂稟處爾其
勿辭察職

弘文提學南有容辭職書批

覽書具悉 聖上日接儒臣之時卿職在館閣之任宜即上來而終不膺召縣道陳書事體分義尤為未安卿其勿辭從速上來察職

司諫朴致文論李潛書批

覽書具悉李潛事不可信主圈人譴責事過矣爾其勿辭從速察職

前泰仁縣監崔載興辭職兼附陳勉書批

覽書具悉爾懇憂愛陳勉言甚懇切可不體念向來批答已悉心曲而誠未感孚心甚忸怩夫為學之本

莫先於知行而然知必真知而後乃可行也必欲真知經傳之微辭奧旨不問於山林宿德之士而何況書筵官之任與他職有異爾其勿辭即速上來補我不逮

大司諫南泰溫請仰陳 大朝冀寢親享書批

覽書具悉 太廟動駕寔出於我 聖上無窮之孝思諸臣屢請 聖心苦拒下情悶迫萬萬卿其勿辭從速察職

贊善閔遇洙辭職書批

覽書具悉卿懇因余之誠淺遲卿幡然歉愧何喻况

卿職兼贊善矣余於朝夕思聞宿德之言卿其念余如渴之望勿復過辭即速上來補我不逮

正言申大脩論尹光纘等達批

尹光纘事 大朝嚴賜處分不必更議停達臺臣定配事李壽鳳削去仕版事所辭過矣書筵官改正事特教招徠之時焉敢若此亟停勿煩

正言徐命膺陳勉書批

覽書具悉陳戒之辭字字切至豈不體認于心師傅賓客春坊事及以下四條事體重大令廟堂並登對時稟于 大朝爾其勿辭從速察職

靈城君朴文秀陳辨書批

覽書具悉大臣請問寧有深意卿之所辭過矣須即上來

成均館捲堂達批

臺書中紛競二字雖云過當我 大朝尊聖廟崇太學之盛意願如何以此兩句之語遽然捲堂不亦過中開諭還入俾無更為捲堂之舉

正言徐命膺因館儒捲堂對辨書批

覽書具悉因一事互相紛紜殊非官師相規之義且以過當為答本非深非之意而承宣之退却辭書意

亦在於無痕爾其勿辭從速察職

成均館再達批

一事再瀆甚非美事臺臣再書別無危險侵侮之語而當初下答過當云者殊異於挾雜妄言之謂諸生豈不知此意乎且近日臺閣寥寥之時陳勉中言事實所嘉尚廉義所關一猶或可再則不可爾等胡相爭勝不念言路之重乎實為諸生慨然也令同成均勸入而無更紛擾

成均館三達批

朝者下答雖出於為諸生慨然之意余亦自知其稍

過矣余既知其過何必相持朝者下答勿施勿施之後諸生豈或更引且余既覺矣心中亦無芥滯者以此意即為勸入俾無至於兩夜捲堂還入後雖值夜深即為書達○仍令以兩句之語互相紛紜事體殊甚未安而臺書之辭雖曰有深意至於紛競二字不無過當正言徐命膺特遞其職

獻納宋德中陳救申大脩論趙載洪書批

覽書具悉申大脩事 大朝處分至為嚴明則焉敢若此况四祖書納之臺臣古今無聞墜損臺體於此極矣臺臣雖欲營護申大脩獨不念臺閣之體重乎

涉虛房漫稿
趙載洪事特教陞擢自有 聖意其曰中批非美事
云云中批陞擢非但趙載洪而已則獨請還收其意
之挾雜可知矣而職在臺閣只可論事之是非下語
殊涉未穩爾其勿辭從速察職

掌令李河述言事書批

覽書具悉儒臣事及三件事令廟堂登對時稟處第
三件事 大朝既命嚴加詳查而處分之 聖意實
出於爲民其何敢如是乎解任之臣並爲還收分揀
事 大朝已處分何敢更稟操鍊停止等事亦令廟
堂稟處金潤事爾言過矣尹聖五呂榮祖事若有無

辜橫罹訴冤重棍者則刑獄之冤不可不嚴查與濫
給糶糴等事並拿問覈實稟處爾其勿辭救護父病

吏曹參判曹命采辭職書批

覽書具悉卿之所辭誠過矣都政只隔一宵靜攝之
中親臨之時雖有情勢焉敢逡巡卿勿過辭行公

戶曹參判鄭翬良陳辨書批

覽書具悉朴聖源之書語別無指卿而言出於憂愛
陳戒之心以此過嫌不亦過中勿復控辭上來察職
副司直閔塔請稱慶書批

覽書具悉愛日之微誠未展祝天之羣情莫副抑鬱

之心夙宵不已矣

慶尚道幼學郭守範等請先正宋時烈從享書

批

覽書具悉先正道學之正余亦豈不知而向已諭矣爾等其退修學業

判府事李宗城闕禮引疾書批

覽書具悉卿懇今當 聖上周甲誕辰欣慶之忱曷有其極而情禮未伸抑鬱不能自己以疾未參有何所傷卿須安心勿辭善攝

修撰尹東星辭職書批

覽書具悉館職初除別無可嫌之端則所辭甚過矣且况 大朝日講之時義不敢不膺爾其勿辭從速察職

四學儒生金星煥等請兩宋先正從享書批

覽書具悉爾等雖不言余豈不知而前諭已答復何多諭爾等其退修學業

弼善柳正源辭職書批

覽書具悉重臣所奏出於杜後弊爾之所辭甚為過中其時下令中以飭已行矣措語則尤無更為難安之端爾其勿辭從速察職

兵曹判書洪象漢辭職書批

覽書具悉昨承 大朝特教焉敢更引且本兵與判
金吾任重事繁况有因傳教舉行之事尤不可撕捥
卿其勿過辭從速行公

右議政趙載浩引咎劄批

覽劄具悉卿懇未參何傷所陳當體念而 大朝答
卿之批爲國一也之教辭旨允當卿何敢過爲引嫌
乎卿須安心勿辭善攝

領議政李天輔乞免書批

覽書具悉卿懇一次手書再次別諭已竭余志今何

更事多諭卿之所遭雖曰前古所無開釋之後渙然
冰消卿之固辭何其過歟且於昨夜終日殿座之餘
不憚 聖躬之困憊十行温諭可以透金石而泣鬼
神則卿寧忍不思感激改圖之方而固讓堅執愈往
愈甚乎近日酬應之餘明又動駕觸冒風寒余心憂
迫卿在藥院保護之任與他僚尤有間焉則豈可暫
刻畱住城外乎其卽入城

右議政趙載浩乞免劄批

覽劄具悉卿懇元輔出處城外卿患尙云未瘳在朝
者只左揆而已况今世道民事可謂罔涯卿須勿控

辭俟少間視事則於國事幸甚

領府事金在魯遭人言辭職劄批

覽劄具悉卿懇儒臣悖妄之說無足掛念而大朝嚴處之後於卿毫無難安之端卿須安心勿辭

左議政金尙魯因首揆引入乞被同罪劄批

覽劄具悉卿懇日昨啓覆入侍時已悉諭而噫元輔造朝無期右相所患未瘳國事世道若川無津余之代理後所恃者惟輔相是已今乃如此余心悶迫曷可言喻儒臣誣罔之說聖上已悉洞燭處分既下於卿少無礙滯於去就之端卿須體大朝之至意

勿復控辭卽起視事

左議政金尙魯因申暉書辭職劄批

覽劄具悉卿懇暉之罪狀非徒辱大臣其中不道之說大朝嚴處之余不忍更爲提諭數日以來煩聖心勞聖躬之端不一其端余侍坐仰瞻當此時余心惟恐或有所損卿須念此意他勿暇顧其卽入來用伸起居之禮今大朝坐而待卿廢埃久御尤爲悶迫卿須念我悶迫之意卽爲入來

領議政李天輔因趙宗溥事陳辨書批

覽書具悉卿懇數昨大朝聖教至爲懇切余何多

諭卿職在保護何必若是之爲而更請查實乎 聖
教敷示詳盡卿何復過引且 聖教中于今脉滯誠
非異事之教卿於奉覽之後豈忍暫刻畱處外邑乎
近日數接醫官議定湯劑之時尤何可若是恬然而
余若不能勉出卿致之朝廷上煩 聖心則其曰盡
養志之道乎卿須安心勿復控辭即日登途

正言金相度救元仁孫仍請疏釋言事諸臣書

批 乙亥

今覽此書這等之人敢欲護之乎元仁孫之論武弁
蔭官究其心必不在於此專出於侵逼元輔而欲營

救黨人也噫仁孫若有臣子秉彝之心焉敢放恣乃
爾爾則罷職不叙

副司直鄭亨復因堂書侵斥陳辨書批

覽書具悉似此誣罔之說何足掛念卿其勿辭察任

左議政金尙魯因正言金相度書引咎乞免書

批

覽書具悉卿懇臺言何足掛念動駕只隔數夜職在
大臣義重扈從卿須安心勿辭卽起視事

咸鏡道六鎮儒生幼學許增等請仰稟 大朝

亟舉兩宋先正從祀文廟書批

凌虛閣漫和
覽書具悉前已諭爾等退修學業

領議政李天輔乞辨誣仍請勘罪書批

覽書具悉卿懇本事之虛無 聖上明燭余亦詳知之卿何豪分芥滯于心况再次查事更無可疑之端而職在保護歲律已過卿亦豈忍一時處鄉外乎因余誠淺至于今不能感回卿心實余之咎又不能墮讒說殄行致元仁孫之投章亦余之咎卿須體 大朝慇懃之諭勿復控辭幡然就途

副提學吳遂采陳勉書批

覽書具悉憂愛所陳言甚切至余甚嘉尙當體念卿

其勿辭從速察職

咸鏡道六鎮儒生幼學吳泰燮等請仰稟 大

朝亟舉兩先正從享文廟書批

覽書具悉前已諭意爾等退修學業

次對時松坡場市罷仍事舉條批

一場市事稟于 大朝事涉煩屑而爲市民弊瘼而罷之則雖小事有難變通 大朝入侍時稟處可也
持平丁錫天論諸倅書批

覽書具悉遠外風聞何可盡信而然旣出於臺書不可置之并令該府拿問爾其勿辭從速察職

獻納韓師直辭職兼陳公州木川火藥善山鈇
丸燒火見失事嚴加究覈及慶尙兵使該地方
官罷拿事及學事停達臺臣謹罷書批

覽書具悉所陳中嚴加究覈事及兵使地方官罷拿
事並依施驪川驪善事之尚在傳達中余若能仰承
聖意豈至於今日乎譴削臺臣事極涉過矣爾其勿
辭察職

洛昌君檄請導達 大朝稱慶陳賀劄批

覽劄具悉余雖誠淺豈後於卿而奉 親稱慶莫如
仰順 親心矣

掌令李光瀾言事書批

覽書具悉所勉體念而驪善事余體 大朝聖意而
下答者未幾又有所陳誠非矣兵曹正郎刊汰事依
施守令罷職事遠外風聞豈可盡信而若有杖斃人
命之事人命關重不可置而不問拿問處之爾其勿
辭察職

持平趙重明言事書批

覽書具悉宗溥等事誣悖之態 聖鑑明燭辭教嚴
正則其何若此况 大朝已處分矣敢以不待辨明
徑先竄削等語書陳於我乎臺臣罷職事依施儒臣

改正事拔去事右尹罷職事過矣安宗奎事 大朝
特除之下何乃云云爾其勿辭察職

西平君橈等請導達 大朝稱慶陳賀書批

覽書具悉余雖誠淺夙宵豈或少懈而其所難稟數
昨宗臣之劄已諭矣

持平李世鉉言事書批

覽書具悉仰稟兩事則該曹宜擇吉以稟矣臨津城
役 大朝既命重臣審基而來亦不可稟也飭宗伯
事及令該曹嚴加論責事並令廟堂稟處其他等事
是非在上不必如是而至於金潤之請亦涉過當趙

東觀事臺臣論罷事並依施而兩儒臣事則趙重明
之言雖非矣只舉事之曲直而論之可也駭痛之說
殊未穩當若以我 聖上三十年苦心調劑為憂而
請則豈但重明之論兩儒臣之事而已乎此則余實
未曉也爾其勿辭察職

校理南泰會請罷趙重明李世鉉李永暉書批
覽書具悉須分輕重趙重明挾雜之說不可罷職而
止加施不叙李世鉉李永暉并罷職爾其勿辭調理
察職

右議政趙載浩因趙重明書陳辨乞免劄批

覽劄具悉卿懇外至之言何足掛念卿須安心勿辭善攝焉

左議政金尙魯因趙曦疏乞免劄批

覽劄具悉卿懇先疑而提之或恐有言之句語意謂指在元輔而批答矣今覽卿劄始覺事實曦事尤極痛駭况一書斥三相其意甚叵測噫今鼎席只有卿一人而已而今又如此國事實爲罔涯至於西銓事曦之意專出於挾雜誣罔之心卿亦何必以此引嫌乎明日大朝動駕不可闕參卿須勿復控辭卽起視事

正言金時默請寢趙曦罷職之令書批

覽書具悉曦之所言若出陳勉則余雖不敏豈不察納而不能仰體大朝苦心肆然投章此可謂是可忍也傾軋三公并及諸臣亦可謂不正之甚噫今日海東臣子若有秉彝焉敢若是乎爾又不思以公心輔余敢以營護黨人之曦也挾私之言反謂以胥匡之正人余實爲臺臣慨然也爾其勿辭察職

副修撰俞漢蕭請寢趙曦罷職之令書批

覽書具悉向者曦書之中陳勉實爲切至之言而其餘都屬不公未暇下答於上段而雖以他事罪之其

中陳勉之言豈可不體膺乎然傾軋三公孤負 大朝三十年苦心痛恨則甚還收之請尤過矣爾其勿辭察職

右議政趙載浩因趙曦書乞免劄批

覽劄具悉卿懇人言何必介意况我 大朝開釋無餘於卿尤無毫分難安之端以疾未參有何所傷卿須安心勿辭容俟少差其卽視事

戶曹判書李喆輔因趙曦書辭職書批

覽書具悉此等言何必掛念卿其勿辭察職
漢城判尹李昌諄因趙曦書辭職書批

覽書具悉卿之所遭雖非常悖理之說 聖上明燭余亦深知卿何介意卿其勿辭調理行公

領議政李天輔因趙曦書乞免書批

覽書具悉卿懇曦之說極涉悖戾而 大朝旣嚴賜處分卿何芥滯于心卿職在保護之任歲改之後仲春又過以卿爲國丹忱豈忍一向引退乎卿須安心勿辭幡然用副余意

左議政金尙魯引咎乞免劄批

覽劄具悉卿懇數昨 大朝開釋無餘而嚴處曦等則更無毫分難安之端而余切有悚慄悶迫者自余

凌虛閣漫稿
代理以後浮囂之說不止甚至曦說而極矣職此之
故堂堂廟堂無視事之相臣余之奉承 聖意代理
庶政而所賴者三公三公引退余將疇依且今動駕
只隔數宵遠勞 玉趾余心耿耿今卿職在輔相豈
可處外而不思陪扈之常分乎噫人子之道莫大於
養志而以我誠淺不能致卿卿若一向引入煩我
聖心則余可謂孝乎思之及此寢食不能甘卿若體
余懇切之諭一節之趨恐不竣終日有所犁然於余
言矣須諒此意須諒此意

右議政趙載浩以疾未參幸行乞免劄批

覽劄具悉卿懇以疾未參其何所傷卿須安心勿辭
善攝

同副承旨權抗因玉堂疏乞遞書批

覽書具悉儒臣辭語雖欠於渾厚亦非深意則其何
過辭

領議政李天輔引咎乞免書批

覽書具悉卿懇 大朝 園陵幸行之後 聖體連
日勤勞我心悶迫曷有其極今卿保護之任與他尤
自別豈可只進近郊而不卽入城乎卿須安心勿復
控辭諒余焦迫憂悶之心卽日入城

掌令宋時涵請故參判柳挺追奪兵議柳顯章
拿問書批

覽書具悉事雖出於嚴隄防之意當此 大朝親臨
帳殿之時煩稟實難爾其勿辭從速察職

判義禁洪象漢同義禁韓翼暮因臺言乞遞書
批

覽書具悉臺劄所請本無他意 大朝親臨帳殿之
時尤不必如此卿等其勿辭從速察職

副司直李日躋因憲臣言請譴書批
覽書具悉臺臣之書本非他意則卿何過嫌卿其勿

辭察職

平安監司李台重以病乞遞書批

覽書具悉西藩之任事務繁重不可輕許遞改卿其
勿復過辭加意調理俟少間察任

判府事李宗城引咎請勘書批

覽卿之書知卿之懇卿之為國血忱 聖上洞燭余
亦知之何必若是引咎乎且今頒告與他時有別卿
須念余之至意其即入城參班

持平柳思欽請仰稟 大朝亟行諸賊收孥之
律書批

覽書具悉昨日 聖上處分恩威并行為人子事親之道順志最先所陳雖是稟則難矣

掌令宋時涵請前後合辭停論諸人并施屏裔之典書批

覽爾之書前後諸臣之停達既皆自悟其非則何罪之有歸正雖有先後從當同歸於一致且於日昨聖上大處分也教以同寅協恭 聖諭諄諄爾宜滌心澄思以報我 聖上至德勿售舊習於心頭

持平洪良漢請仰稟 大朝亟行諸賊收孥之律劄批

覽劄具悉所陳雖是日昨朴師訥處 聖批已諭之余則只當仰承 聖意而已

副司直李光溥等請仰稟 大朝亟行諸賊收孥之律書批

覽爾等之章所陳深嘉而 聖上大處分恩威并行其在仰承之道何可煩稟乎

工曹判書洪重徵請仰稟 大朝亟行諸賊收孥之典書批

覽書具悉所陳誠是而 大朝處分出於至仁余則仰順 聖志而已何可煩稟乎

副司直李昌儒等請仰稟 大朝亟行諸賊收
孥之典書批

覽書具悉所陳雖是已諭於洪良漢等批答矣

持平韓光協請仰稟 大朝以諸賊劄疏弁題
於勘亂錄傳示後世書批

覽書具悉所請雖是 大朝連日臨殿之時何敢煩

稟乎此章下備局令大臣 大朝入侍時稟奏可也
及第李宜穠請仰稟 大朝亟行諸賊收孥之
典仍舉四大臣致祭書批

覽書具悉四大臣遣官致祭事原書下備局與韓光

協之章一體 大朝入侍時仰稟似可

戶曹判書李喆輔引咎辭職書批

覽書具悉到今往事若浮雲且請討之事其日余亦
侍坐仰聆 聖教之勲懇卿雖有情勢若念知遇之
聖恩豈忍一向如是乎卿之為國之忱斷斷無他
聖明俯燭無餘其勿過辭從速行公

前縣監李永祚請被向來停達之罪書批

覽書具悉數昨請討之章可見爾心爾其勿辭

副提學吳遂采引咎請暇書批

覽書具悉筵請疏請其實則一也卿何以此為嫌卿

其勿辭往來

前府使趙鎮世請被向來停達之罪書批

覽書具悉昨非今乃大覺何間於本來嚴正已有聖諭中明示者以道遠未及上章爾其勿辭

副司直金始煒請被向來停達之罪書批

覽書具悉覺非歸正成功則一 聖教昭然而且爾之陳書亦可見爾心爾其勿辭

判府事俞拓基闕禮引咎書批

覽書具悉卿懇處分頒揭宇宙廓清臣民歡忭曷有其極以疾未參勢不得已也其何過嫌卿須安心勿

辭

右議政趙載浩闕禮引咎劄批

覽劄具悉卿懇逆類夫正王法臣民欣幸曷有其極卿疾之彌畱心用慮念未參何傷卿須安心勿辭善攝

靈城君朴文秀闕禮引咎書批

覽書具悉 聖上大處分之下宇宙清明今日海東臣子孰不歡欣而在外未參事勢固然卿其安意

憲府前達批

不從驪川事向日下教中少慰予心之教余雖不肖

誠淺敢不仰體 聖意而尚未停達何也爾於其時亦參聞筵教之人也亟爲停達上安 聖心

掌令李埭因憲臺言引咎乞遞書批

覽書具悉王章快舉可洩神人之憤向者爾書辭聖上洞燭余不必更言而當此連日臨帳殿之時職在耳目之官不可如是爾其勿辭從速察職

右副承旨柳顯章因臺書陳辨乞勘書批

覽書具悉臺臣請罪本非他意 聖明俯燭無餘往事若浮雲到今何可更辭 大朝親臨鞫囚之時職在喉院何可不參乎爾其勿辭察職

左議政金尙魯引疾請勘劄批

覽劄具悉聞卿之疾心用慮念而當此 大朝連日臨帳殿之時相臣義不可闕參卿須體余此意安心勿辭自量起居之可強若不至難強則須卽強疾入來

判尹李昌諛請被向來停達之罪書批

覽卿章首尾洞曉而况 大朝大處分之日自鄉還來卽上短劄卿之丹忱 聖明已有俯燭余亦深知卿其勿辭

副司直李匡世以病未參賀班引咎書批

覽書具悉大處分之下今日海東臣子孰不欣忭而老病未參勢所然也卿其勿辭

慶尙監司李彝章辭職書批

覽書具悉今此大朝處分之後乾坤廓清孰不懼忭而卿之所辭過矣卿其勿辭從速察任

左副承旨李景祚乞遞救護書批

覽書具悉夫舉王章宇宙清明心切欣幸大朝臨殿勞動今已恰滿一朔焦迫之極難以爲喻爾其勿辭救護母病

知事李成中辭陞擢書批

覽書具悉今茲陞資聖意有在且大朝連日臨帳殿之時職在禁堂其宜入參卿勿復過辭卽速行公

司諫朴致文請仰稟大朝亟行諸賊收孥之

典仍乞救護書批

覽書具悉大朝連日臨殿余之悶迫曷有其極王章載舉宇宙一新而分等處分好生之德藹然余之所難稟者此也爾其勿辭往護

正言元仁孫請諸罪人正法達批

不從末端所請六件事臺臣據法爭執雖是矣而今

茲處分出於好生之 聖心余豈不仰承德意乎並不從

領議政李天輔乞免書批

覽書具悉卿懇 大朝親臨帳殿勞動既多焦迫憂悶夙宵曷已劇逆伏法乾坤廓清欣幸之心何可形喻向者 大朝召余侍傍敦諭於卿而卿承命入來余意以爲仍畱不料卿章之又來矣噫其時下教德意隆至昭晰無餘可以透金石而泣豚魚以卿恆日爲國之丹心豈忍如是邁邁乎親鞫纔罷連勞 聖躬余心之爲 聖躬或恐有損焦慮萬端卿以元輔

職居保護豈敢引退於此時乎且臨余正堂之門聖意有在則余若不能畱卿烏在乎仰體 聖意乎思之及此食息靡安卿須念 聖躬之保護強疾回途

持平洪良漢請未伏法諸罪人嚴訊得情書批覽書具悉今此爭執固是矣 大朝酌處之命出於至仁余豈不仰承至於東夏等既有處分此余所以難於更稟爾其勿辭從速察職

兵曹參知吳彥儒辭職書批

覽書具悉 大朝連臨帳殿焦迫曷極爾其勿辭察

職

仁平君李普燦因所遭乞免書批

覽書具悉王章快舉中外胥欣卿之所遭雖曰慘酷大朝明釋無餘於卿豈有毫分芥滯之端乎卿其勿辭

正言宋文載以親病乞遞書批

覽書具悉臺臣所請誠是矣今不能從施者靜攝中煩稟為難也爾其勿辭先察職後救護

持平沈穀請諸罪人正法達批

不從今所爭執是矣道臣事余之難許以其靜攝之

中煩稟之為難東夏等事再昨既下傳教待就捕當訊問矣彥杓等事酌處之命出於惻怛之聖德余豈不仰體乎

司諫朴致文請諸罪人正法書批

覽書具悉道臣事余實未曉本事當從容仰稟矣爾其勿辭先察職後救護

掌令李世泰請酌處罪人正法書批

覽書具悉連日臨殿下情焦慮之中聖體安康慶怵曷喻王章夫舉亦切欣幸酌處之命出於好生之盛德而仰稟事鞠坐未撤余何敢煩稟至於都事事

臺臣之批已諭矣爾其勿辭從速察職

正言宋文載請嚴問發捕罪人台炷之都事書

批

覽書具悉所陳雖是都事論罪事關鞫獄不稟輕許此所難也參鞫大臣宜有稟請之道

領議政李天輔乞免書批

覽書具悉卿懇賀儀已行歡忭曷喻當此暑節經宿還宮焦慮萬萬向者大朝批答辭意丁寧懇惻余何可煩諭而聖教中有到今初政何足介意卽爲入城聽我一諭之教卿豈忍暫刻逡巡乎卿須安心

卽卽登途

同副承旨南泰齊論歲抄達批

余則只奉教書下矣前日方聖規等二十八人不宜蕩滌故點下者外並令蕩滌而其前則余未詳知事實置諸蕩滌因承旨覆達卽許仍置仍置者卽方聖規等二十八人也此外並蕩滌

掌令金朝潤請酌處罪人正法達批

不從兩件事誠是矣誠是矣余之所持難者煩稟於靜攝之中也

行副護軍權費陳勉書批

覽書具悉 大朝連臨帳殿焦慮萬萬王法載行中外拭目所勉言甚切至余豈不體之于心爾其勿辭行副司直趙東漸因所遭請改名書批

覽書具悉 聖鑑已悉明照我今不必更諭而末端所陳令該曹考例稟處

領敦寧李天輔闕禮引咎劄批

覽劄具悉卿懇不幸逆孽復肆連日臨殿端緒昭著夫舉王章心竊幸甚當此暑節勤勞之餘 玉候安康欣忭曷極以疾未參何傷之有卿須安心勿辭善攝焉

右副承旨鄭光忠辭職書批

覽書具悉當今 大朝親臨帳殿之時職在該房何敢撕捱况 聖上開釋於趙榮順之答至以意專在挾雜為教則尤不必若是爾其勿辭察職

戶曹判書李喆輔因鞫招陳辨乞退書批

覽書具悉卿之所遭雖罔極 大朝明燭無餘且賊招之誣卿旋即綻露卿何若是過辭乎卿須勿辭念藥院之任重從速行公

大司諫鄭光忠辭陞擢書批

覽書具悉卿之陞資 聖意有在卿其勿辭從速察

職

執義朴弘儁言事仍乞養書批

覽書具悉所陳當體念而均役事則大朝屢次臨門今已頒行實合於萬世遵行不易之典焉敢若是為說乎誠為未安至於結錢創制亦出於我聖上為民之至意謂之民之怨無足恠者尤極寒心爾其依所陳歸養

成均館居齋儒生以請討諸賊解墨人金績熙事捲堂達批

多士等以請討之事至于捲堂者意固美矣聖廟空

堂事體至重聖上鎮日臨殿之時何敢煩稟乎且一夜捲堂已伸沐浴之義即為還入事令同成均勸諭

成均館儒生等不為還入達批

所陳雖是莫重聖廟兩日空堂殊涉未安即為還入之意丁寧勉諭期於還入

兵曹判書洪鳳漢辭職兼陳從兄弟交承難安書批

覽書具悉當此暑月大朝連日鞫囚焦慮曷喻且此任曾有前例卿其勿辭從速行公

廣州畱守李昌諛辭職書批

覽書具悉 大朝連日臨殿焦慮萬萬畱守任重且兼將任卿勿過辭俟病少間其即赴任

靈城君朴文秀遭兇賊之誣陳懇書批

覽書具悉當此夏令 聖上連日臨殿焦慮曷喻卿雖有所遭 聖明已俯燭明諭余何更誥卿其勿辭獻納南鶴宗請光佐泰億錫恆依耆輝例施以當律載於纂輯仍請沈墪上書區別三兇之差殊宜施遠竄書批

覽書具悉所陳雖出嚴懲討之意昨日臺臣書批已諭矣至於遠竄事臺臣區別若挾私意則當此嚴隄防之時豈不從施跡其所陳本無他意遠竄則過矣爾其勿辭從速察職

前掌令金元行辭書筵官書批

覽書具悉爾懇噫今余已過孔夫子志學之年遠矣聖經賢傳深辭奧旨鬱而未暢若非山林宿德碩儒誰能闡揚開發俾有以警覺為學之次第矐言東岡夙夜靡懈爾須念我心曲勿復過辭即速上來補我不逮

慶尙道儒生李允復等請亟正三兇之罪仍論

以光佐稱師表而至被削黜者冒據巖廊不參
頒教奏對謬戾至發臺章而被拿於訊庭者偃
息京輦書批

覽書具悉前批已諭而邪正真偽是非公私莫逃於
聖鑑之中處分至正 聖意深遠余何敢煩稟乎

忠清道儒生朴漢蕭等論不言光恆億三司諸

臣書批

覽書具悉所陳已諭嶺儒及京外多士今不更諭而
聯名請討意固嘉矣至於停達諸臺初雖誤著末乃
頓覺此正歸正本正成功一也 大朝大處分之時

諸臣連章自訟尤可見其覺非之心今之所請辭語
余則謂過當也爾等其退修學業

修撰洪良漢請反汗元老處分之 命書批

覽書具悉為今日臣子者聞再昨 大朝下教則焉
敢若是營護乎爾其勿辭察職

獻納李壽德請收領府事金在魯罷職之 命

書批

覽書具悉爾不見頃者 大朝處分 聖教及批旨
乎今方連為牌招成均堂上而且 大朝處分至當
至正則敢以反加威罰四字肆然書之乎其涉寒心

爾其勿辭察職

領議政李天輔引義乞免書批

覽書具悉卿懇再昨大朝敦勉辭意懇惻丁寧余何更多諭噫卿之所遭雖曰罔極許副相職已伸廉隅故有往事已浮雲廉隅亦夫伸之聖教誠至當誠至當卿豈更提往事而為嫌乎非但迎候之為急當此極熱累月帳殿余之焦悶憂慮曷有其極卿以職兼藥院之臣卿心亦當如何數昨聖候違和幸以少定卿尤豈可處於江郊乎下教中有卿聞半夜入侍卿何為此之教豈忍暫刻離違噫當此之時不

能致卿于朝致煩聖心則其可曰養志乎思之及此怵然懷然夜不能寐食不能甘辭書百至決無準許之理安心勿復控辭即日入城非但余心之幸亦當仰慰聖心於國事其為大幸尤何如卿須諒焉卿須諒焉

掌令安復駿請收元老罷職之命兼論諸臺

書批

覽書具悉今日臣子聞大朝下教則豈思營救乎儒生之陳書辭語挾雜敢以無狀之言書之其所叵測不可形言今爾護之殊涉寒心

領議政李天輔請解藥院都提舉書批

覽書具悉卿懇頃批非但為卿而言也 大朝連日臨殿動駕 園陵亦非多日余之深憂焦慮顧當如何卿豈忍於此時辭免保護之任乎卿須思我前諭若不致卿造朝更煩 聖心則可謂為人子事親之道乎卿須安心勿復控辭即即入來於余心切幸於國事切幸卿須諒焉卿須諒焉

判府事李宗城引咎乞免書批

覽書具悉卿懇向事 聖明在上洞燭無餘余何多諭不腆例廩何用過辭卿須安心領受

領議政李天輔引咎乞免書批

覽書具悉卿懇日昨批答再悉肝膈卿心莫回寔余誠淺噫余之昨言豈或過耶為人子者親心為己心今余不能致卿于朝端使我 大朝靜攝中動駕之時煩惱於 聖心則於余心當何如也况於昨日徹夜將事又行幸 陵園此時余心之憂慮萬端難以勝言卿以藥院都提舉其可處外乎相職之一解足伸廉隅終又自畫必欲引退不亦過矣之甚乎卿須即日入來

弼善李基敬陳勉書批

凌虛閣法科
覽書具悉所陳出於憂愛余豈不體念焉爾其勿辭
調理察職

書筵官宋能相陳懇乞遞書批

覽書具悉爾懇屢勤敦諭期欲招延而誠意淺薄尚
不能致我朝端余甚忸怩噫宿儒之出入筵席闡揚
奧義此其時也今余過孔聖志學之年且久矣願言
求助夙宵懸企向以外任辭朝也暫時相見所陳皆
明切余至今服膺爾以世祿之臣豈忍捨余余亦欲
招致山林諸賢當先從爾之暫面者爾其勿復控辭
念余思爾之切切卽速上來補我不逮

領議政李天輔引咎乞免書批

覽書具悉卿懇屢示心曲之答諭而造朝之期一向
漠然由余誠淺由余誠淺當今 聖上動駕之時靜
攝中勞攘余心焦悶卿亦豈忍暫畱城外乎卿須諒
余懇迫之誠卽日入城

大司諫尹東暹等請前訓練主簿李再春以武
夫詬辱將臣以保舉凌罵主試以啓下罪人脫
枷橫行嚴法加律聯書批

覽書具悉事極駭然所請是矣而 大朝靜攝之中
煩稟爲難令廟堂於大臣登對時稟處

司直黃景源辭副使書批

覽書具悉副使之任義在往役卿其勿辭

領議政李天輔辭免書批

覽書具悉卿懇數行書諭罄竭余之微忱而一念在於望卿入來聞卿來詣城外心切幸矣心切幸矣復何多諭更宣手批令承宣往傳與之偕入仍又坐以待之卿須諒小子之微忱即為偕入用副余坐待之望

黃海道幼學李勉儒等請兩宋先正從享書批

覽書具悉復何多諭爾等其退修學業

副修撰趙曦引咎仍論大臣書批

覽書具悉辭章之末端下語殊涉未安爾其勿辭察職

吏曹判書申晚辭職書批

覽書具悉此等挾雜之說何足擿捱卿其勿辭從速行公

領議政李天輔以洪晟調用事引嫌劄批

覽劄具悉卿懇洪晟事實如此而大朝調用之命余則全然不知但以不從下答矣今覽卿劄不覺悚然孝行與公議若此則此等挾雜之說何必過嫌

且大朝特教之下至今不行實為惶悶卿須安心勿辭即為入來 成命之下不可遲滯次對即為舉行則於余心幸甚

弼善徐命膺書批 留中

覽書具悉箴規之語字字切是嘉歎爾誠再三披閱朝夕警省當益加勉勗爾其勿辭調理察職

時敏堂次對引接時大臣以洪晟孝行薦舉事被人言引嫌舉條批

其言不成說至於醫技云云者尤為不成說而亦非大事何可以此引嫌乎亦何可以此導達于 大朝

乎安心勿辭行公相職

副司直南有容乞收闡義昭鑑跋文撰進之

命書批

覽書具悉 成命之下不可若是卿其勿辭即為舉行

刑曹參議李光運引咎乞遞書批

覽書具悉不幸逆孽層出王章即施而 大朝連日臨殿下情焦慮 聖候萬康欣忭曷喻爾其勿辭察

職

黃海道儒生宋必謹請兩宋先正從享書批

覽書具悉兩先正之道德學問余豈不知而其所靳許者頻頻仰稟之或涉屑越矣

執義李敏坤請禁酒書批

覽書具悉仰稟事 聖上處分至矣盡矣在廷諸臣在其時既無他議則于今莫重莫大之典禮何敢輕易議到乎至於禁酒事當初 聖教至仁至正不可更有云云矣

黃海道儒生李顯白等請兩宋先正從享書批
覽書具悉前已諭今何更諭別無更諭者

右議政趙載浩引咎乞免劄批

覽劄具悉卿懇再傳不許下答卿劄繼至兼辭不腆之廩過矣過矣卿須仰體 大朝之知遇念余決不欲捨卿之至意安心勿復固辭亟斷來章常俸亦為領受

判府事俞拓基引咎乞免書批

覽書具悉卿懇逢此莫大之邦慶欣忭曷其有極以疾未參於卿無傷卿須安心勿辭

右議政趙載浩乞遞劄批

覽劄具悉卿懇三單不許昨日又遣承宣敦諭大抵輔相之任在於論道經邦本不責之以筋力奔走臥

閣而治之亦宜也况逢無前之邦慶卿以輔相尤不可一向尋單卿須仰體大朝知遇之隆且念小子之決不許施安心勿復固辭亟斷來章不腆之常廩其何過辭亦即領受

戶曹判書鄭翬良辭職書批

覽書具悉當此罕有之邦慶敦匠之事最為時急卿其勿辭從速行公

領府事金在魯判府事俞拓基引疾劄批

覽劄具悉卿懇于今邦慶罕聞於前古欣忭曷喻以疾未參何傷之有卿須安心勿辭

凌虛閣漫稿卷之三

凌虛關漫稿卷之四目錄

批判

政院兩司牌招達批

丙子

副司直金聖應引親年辭將任書批

兵曹判書李喆輔辭職書批

館學儒生俞漢師等請旌表四大臣書批

副司直南有容請敦召在鄉儒臣書批

執義俞彥述請治金丹母子罪狀書批

持平吳奉源言事書批

副修撰洪良漢請披覽 大朝綸音書批

成均生員安宗喆等請兩宋先正從享書批
正言李彥衡論人書批

大司成金漢喆因人言乞遞書批

前縣令申暲前縣監李養源辭召命書批

大司憲兼元孫輔養官閔遇洙辭職書批

書筵官金元行辭職書批

前縣監崔載興辭召旨書批

領議政李天輔乞免書批

京畿儒生成德淵等請文純公朴世采從享文

廟書批

京畿湖西湖南北關關西海西儒生金聲大等

請箕聖先為立廟于京城爰及各道書批

領議政李天輔再書批

司諫沈益聖請遣監賑御史書批

前僉知尹鳳九陳勉仍辭書筵官書批

玉果縣監宋明欽陳勉言事書批

副校理洪梓等請開講筵劄批

政院樂善堂火仍有禁井之事領議政李天輔

請對達批

領議政李天輔引疾乞免劄批

前吏曹判書申晚辭拜相書批

贊善閔遇洙辭職書批

前縣令申暉言文純公朴世采從享書批

前吏曹判書申晚再書批

前吏曹判書申晚三書批

右議政申晚因親病乞免劄批

大司憲閔遇洙辭召命乞解本職書批

持平柳憲抄選崔載興改正戶曹參議申暉罷

職達批

前縣監崔載興辭抄選書批

副司直李台重辭職書批

司諫李翼元言事書批

正言南雲老伸救柳憲書批

持平李碩載伸救聯劄憲臣書批

洛昌君檜等請 東朝進宴書批

同副承旨張志豐辭職書批

忠清監司趙暉乞遞書批

持平具壽國論武弁違牌書批

吏曹判書鄭翬良辭職書批

忠清監司趙暉辭職書批

領議政李天輔引咎劄批

戶曹判書李台重辭職書批

禮曹判書李成中引咎書批

校理洪梓等陳戒聯劄批

持平李壽勛陳戒仍請敦召在鄉儒臣兼陳民

事書批

掌令尹坊陳戒書批

副司直權相一陳勉書批

持平李普觀請犯酒禁島配者更定律名達批

大司憲金尙翼言事書批

大司成南有容辭元孫師傅書批

丁丑

右議政申晚引咎書批

掌令金元行辭職書批

右尹李應協請寢乙亥島配罪人減等書批

持平金永燮請三倅削罷書批

徽寧殿親行初虞祭時承旨舉條批

政院待罪達批

吏曹參議趙明鼎辭職書批

領府事金在魯闕禮引疾劄批

獻納安克孝論人書批

掌令趙重明論不言臺臣及李應協尹在謙書

批

大司諫洪重孝陳救臺臣請推儒臣書批

副司直趙榮國辭職書批

朔寧黃應已獄案判

抱川李日萬獄案判

戊寅

領府事金在魯劄批

兼司書朴盛源書批

大司諫洪名漢書批

持平李鳳祥書批

持平蔡緯夏達批

黃海道平安道幼學朴藻等書批

四學儒生宋煥翼等書批

同敦寧南有容書批

行都承旨尹東度辭新資書批

己卯

憲府請酌決死囚仰稟依律勘斷達批

執義金元行辭職書批

左副承旨鄭基安辭職書批

京畿忠清平安三道儒生生員元景翼等請先

正臣趙憲金集從享文廟書批

因災異院議達批

前縣監宋明欽辭職書批

海春君林請省墓書批

綾昌君楠乞遞廚院提舉書批

領敦寧趙載浩引咎乞免書批

領議政金尙魯引咎乞免書批

右議政李瑋引咎乞免書批

成均館儒生捲堂達批

江華畱守元景淳書批

判府事李天輔因趙榮順書乞免書批

判府事趙載浩請省墓書批

右翊善李福源辭職書批

說書崔光壁辭職書批

正言李顯泰論黃海監司鄭玉正言安兼濟書

批

獻納朴起采伸救正言李顯泰書批

左勸讀金元行引疾辭職書批

副司直朴致遠書批

右議政李瑋陳懇書批

左議政申晚陳懇書批

領府事俞拓基陳懇書批

嶺南儒生蔡景沈等請先正臣宋時烈追享於

蔚山鷗江書院書批

領議政金尙魯乞免書批

右議政李瑄引義書批

判決事尹鳳九辭職書批

領議政金尙魯引咎劄批

諮議洪啓能辭職書批

右議政李瑄引咎乞免書批

右議政李瑄辭藥院都提調書批

草土臣金致仁請收親臨之令書批

前副司直尹鳳九辭職書批

前縣監宋明欽辭召命書批

持平李允郁書批

庚辰

右議政閔百祥書批

領府事俞拓基乞休致再書批

領府事俞拓基乞休致三書批

領府事俞拓基乞休致四書批

判府事趙載浩乞致仕書批

副司直尹鳳九書批

掌令安復駿言事書批

左議政李瑁辭職書批

持平金養心論人達批

洛昌君檜書批

副提學徐命膺書批

洛昌君檜書批

忠清道儒生生員李義輔等請以朴文純享院

書批

正言趙台命論人書批

辛巳

右議政洪鳳漢拜相後書批

判府事趙載浩辭職書批

持平李鎮恆以監試科榜試官族黨多參事請

該試官譴罷又以 聖后誕降基址錯對事

請該承旨譴罷書批

右議政鄭翬良拜相辭職書批

臺臣李河述以兵判具善行杜門養病不接客

請罷職達批

凌虛關漫稿卷之四目錄

凌虛關漫稿卷之四

批判

政院兩司牌招達批 丙子

每以臺臣不即入來以致時刻過時終或停止者數
事體極為未安待開門即為牌招牌去來各別督促
副司直金聖應引親年辭將任書批

覽書具悉所陳雖若此職帶將任不可輕許卿其勿
辭察任

兵曹判書李喆輔辭職書批

覽書具悉本兵之職金吾之任俱為緊要卿其勿辭

從速行公

館學儒生俞漢師等請旌表四大臣書批

覽書具悉所陳業已諭至於四大臣事 大朝已處分我何更爲煩稟乎爾等退修學業

副司直南有容請敦召在鄉儒臣書批

覽書具悉在外輔養官事所陳是矣令政院別諭卿其勿辭從速察職

執義俞彥述請治金丹母子罪狀書批

覽書具悉所陳事渠旣不知其父則亦豈知其母乎况以子之招罪其母法意有乖何必刑配乎爾其勿

辭從速察職

持平吳奉源言事書批

覽書具悉所勉切至余當體念而第一件事依施第二件事旣登繡啓 大朝已賜處分則今無可論第三件事所陳雖若此旣已拿問當此時災邑守令數遞可悶矣爾其勿辭從速察職

副修撰洪良漢請披覽 大朝綸音書批

覽書具悉憂愛之忱余甚嘉尙當時時披覽而體念矣

成均生員安宗喆等請兩宋先正從享書批

覽書具悉兩先正道學義理之正余豈不知乎然前批已詳諭矣

正言李彥衡論人書批

覽書具悉改正事既經亞銓所辭過矣削版事今聞承宣所達其時奉命落畱云然其在事體不可置之其時都承旨重推當該填入承旨罷職另飭西銓事既有 聖教爾其勿辭從速察職

大司成金漢喆因人言乞遞書批

覽書具悉臺臣所辭之過余悉知之於卿更無難安之端卿勿過辭從速行公

辭

辭

前縣令申暲前縣監李養源辭召命書批

覽書具悉爾懇別諭敦召辭章繼至此莫非余誠意未孚之致心實愧忸顧余陸陸尙未能造我宿德碩士庸聞闡大義釋微旨之言由余涼德尤用覲然倏爾數載招徠無期悵缺何言爾等念我心曲之諭其勿固辭即速上來補我不逮

大司憲兼元孫輔養官閔遇洙辭職書批

覽書具悉卿懇別諭敦召莫回卿心辭章繼至莫非余誠淺禮薄未能感孚之致心焉忸怩無以為緒卿以世祿之臣養德山林講明義理實地修行豈比於

在朝之恆人乎余之思卿一念夙夜匪懈國子祭酒元孫輔養決非固辭之職噫欲致山林宿德之士捨卿而何捨卿而何卿其體余心腹肝膈之諭勿復固辭即速上來補我不逮補我不逮

書筵官金元行辭職書批

覽書具悉今此邦慶寔罕有於前古慶幸欣忭曷有其極所陳可不畱念爾其勿辭上來察職

前縣監崔載興辭召旨書批

覽書具悉爾懇別諭才宣辭章繼至虛佇之餘不覺失圖顧余必致之念夙夜匪懈爾其念我衷曲之諭

其勿固辭即速上來

領議政李天輔乞免書批

覽書具悉卿懇以余不敏不能仰體 聖心致煩 聖念惶懼之心至今已且向日 聖教中有事雖誤著其心無他之教則今不必更事引退卿須體 聖上之至意念小子之苦企安心勿復控辭即日登途用副余意

京畿儒生成德淵等請文純公朴世采從享文廟書批

覽書具悉從祀之典事體至重不可輕議矣

京畿湖西湖南北關關西海西儒生金聲大等
請箕聖先爲立廟于京城爰及各道書批

覽書具悉今茲所請比昨日先正文廟從祀之請事
體尤重不可遽然輕議矣

領議政李天輔再書批

覽書具悉卿懇大朝下教于余曰頃者處分非余
樂爲一則恐欺陟降一則爲國苦心而因恆日之誠
淺大臣過爲撕捱有若被斥於年少名官者然非徒
自恧誠淺白首暮年豈不困乎昔則大臣雖被嚴教
不敢過自撕捱而今則有倍于昔此則撕捱日勝君

綱不尊故也是誰之過今日藥院入侍旣下教幸過
十九日而代理元良尚在調攝股肱大臣或居江亭
及郊外勲懇下教便作外飾偕來承宣貽弊鄉村徒
使予食不能時夜分乃寢又或至於徹宵是豈代理
之意亦豈置股肱之意此亦予之過此亦予之過然
予自徒勞其能爲國民將劉矣何顏歸拜若此而雖
身先憊矣吾民皆活予何憾也而所惜者欲分苦而
反苦替行股肱之事寔予之過何顏以答吁嗟元良
整頓叢脞代予敦勉少濟吾民爲教諄諄聖諭迥
出尋常萬萬至有使予食不能時夜分乃寢又或至

於徹宵所惜者欲分苦而反苦替行股肱之事之教
卿雖欲苦辭相職及今聞此 聖教之後豈可一刻
畱住江郊乎自奉 聖教余亦不勝惶悚慄慄顧余
不敏上而不能仰體 聖心貽勞 聖躬下而不能
致卿使卿避巽一則余不肖一則余不敏此余所以
惶悚慄慄者也噫今不能致卿于朝更若上煩 聖
心則非但余心之悚慄而已其可謂爲爲人子事親
之道乎思之及此對食豈甘當夜豈寐卿須體 聖
上至意安心勿復固辭卽日入城非徒余心之竊幸
寔仰承 聖意之道寔仰承 聖意之道余若能致

卿而來 聖心底豫則是乃使余盡人子之道深諒
深諒卽日就道用副佇立之望

司諫沈益聖請遣監賑御史書批

覽書具悉繡衣之往 聖上處分豈廟堂之所敢稟
處者况 大朝近日連遣御史又何更爲煩稟乎爾
其勿辭從速察職

前僉知尹鳳九陳勉仍辭書筵官書批

覽書具悉卿懇噫爲學之道知行最先而非真知何
以力行故博學審問慎思明辨古聖所云而講筵無
碩德宿儒之出入欲其審問慎思向誰問之與誰思

之卿之憂愛陳勉字字切實可不銘佩卿勿固辭卽速上來

玉果縣監宋明欽陳勉言事書批

覽書具悉爾懇筵席暫見今已踰歲以余誠淺不能更致旋切悶嘆今覽辭章憂愛之勉字字是切言言是懇而讀之三復尤有伊人之思所陳民事令廟堂仰稟或登對以稟

副校理洪梓等請開講筵劄批

覽劄具悉憂愛陳勉言甚切至可不體念

政院樂善堂火仍有禁井之事領議政李天輔

請對達批

今方處內四肢甚痛難於屈伸且無引接之處所屢次不見誠爲不安而後日當引接矣

領議政李天輔引疾乞免劄批

覽劄具悉卿懇兩次請對心膽俱灰沉痾苦劇未得引接其在敬大臣之道病裏煎悶至今不已以疾未參於卿何傷卿須安心勿辭善攝

前吏曹判書申晚辭拜相書批

覽書具悉卿懇今此大拜允叶于時望當今大朝每朔一次講經一次召見大臣備堂職在輔相之任

不可過辭又目今國事民事雖多渴悶而幸以鼎席俱備心切爲欣卿須安心勿辭其卽造朝共濟國事

贊善閔遇洙辭職書批

覽書具悉卿懇向者敦批之後辭章又至卿職在贊善且兼元孫輔養之任元孫今已五歲而無宿德之士朝夕左右之薰陶資益心切憂之卿須念余心曲之諭思我元孫輔導之重其勿固辭卽速上來以輔我不逮以輔我元孫

前縣令申暉言文純公朴世采從享書批

覽書具悉爾懇向者敦批之後辭章又至愧余誠淺

噫洙雷講筵未聞碩儒之出入心甚悶之至於先正道學之源德行之粹余固知矣更覽所陳可不畱心焉爾勿過辭念我心曲之諭卽速上來輔我不逮

前吏曹判書申晚再書批

覽書具悉卿懇初批已諭復何多諭以余不敏濫承代理之 命今已八載而其所倚恃者惟輔相卿雖辭章百度余決無準許之理而况今民憂國事俱爲罔措卿以輔相之任亦豈忍恬然怡然乎卿須體大朝倚毗之至意顧小子日夕之苦望勿復固辭卽日造朝用副余望

前吏曹判書申晚三書批

覽書具悉卿懇卿以同寅之量秉公之心當今之時豈忍連上辭章乎再批中以辭章百度決無準許為答則余何食言安心勿復固辭即日造朝共濟國事
右議政申晚因親病乞免劄批

覽劄具悉卿懇卿之親患若此深用慮念卿須安心勿辭救護俟少間即起視事用副余意

大司憲閔遇洙辭召命乞解本職書批

覽書具悉卿懇噫出入講筵輔養元孫其重其緊不可比他職且余之思卿之切元孫亦在當知之時卿

須即日上來輔養我元孫

持平柳憲抄選崔載興改正戶曹參議申暲罷

職達批

崔載興事其時已有 大朝下教不可如是勿煩戶曹參議罷職事向日陳書本非他意况以山林之士余今方招致不必若此所達殊涉過中

前縣監崔載興辭抄選書批

覽書具悉頃者 大朝下教中 聖意深矣爾何過辭且今別諭于山林賢士冀其招致辭章乃至實愧余之誠淺噫每對經典文義之奧莫之洞知若非山

林之碩士其何能闡揚古聖之旨意念之於此夙宵靡懈若望雲霓爾其思我心曲之諭勿復控辭卽速上來補我不逮

副司直李台重辭職書批

元孫輔養責任深重卿其勿過辭從速上來察職

司諫李翼元言事書批

覽書具悉憂愛陳勉字字切是余深嘉尙當體念焉第一第二件事曾因大朝下教定式今不可輕議第三件事令廟堂稟處第四件事依施第五件事第六件事遠外風聞何可盡信然而當今之歲旣聞之後

不可置之豐德府使金養承拿問處之爾其勿辭從速察職

正言南雲老伸救柳戇書批

覽書具悉柳戇事大朝處分至極明正爾焉敢伸救爾其勿辭察職

持平李碩載伸救聯劄憲臣書批

覽書具悉大朝處分至爲允當嚴明且正焉敢若是容護乎爾其勿辭察職

洛昌君檜等請東朝進宴書批

覽書具悉仰稟事已稟大朝而聖上以至孝至

誠豈待羣下之請以養 慈聖之志終靳允許 大朝以養志爲教則余亦豈敢不仰體 聖意乎

同副承旨張志豐辭職書批

覽書具悉臺書所陳本非深意况官師相規則其何撕捱且 大朝特除之下不敢若此爾其勿辭從速察職

忠清監司趙暉乞遞書批

覽書具悉向者 大朝特諭至爲懇惻可以感豚魚而况臺臣之所陳本非深意其何如是卿其勿辭從速察任

持平具壽國論武弁違牌書批

覽書具悉以新進武弁連日違牌其涉寒心然 大朝特除之下重推可也爾其勿辭從速察職

吏曹判書鄭輦良辭職書批

覽書具悉 聖候違豫不日平復 東朝誕辰又屆親臨正殿慶幸曷喻卿其勿辭從速行公

忠清監司趙暉辭職書批

覽書具悉覆審分等事體緊重不可若此卿其勿過辭從速察任

領議政李天輔引咎劄批

覽劄具悉卿懇卿患一向未瘳慮念曷喻諫臣挾雜之語何必過嫌卿須安心勿辭量其少間卽起視事

戶曹判書李台重辭職書批

覽書具悉大朝申飭之下其何若是况度支重任不可久曠卿其勿過辭從速行公

禮曹判書李成中引咎書批

覽書具悉臺臣挾雜之言 聖鑑明燭卿其勿過辭從速上來行公

校理洪梓等陳戒聯劄批

覽劄具悉方切懍惕之中憂愛陳勉言甚懇到當銘

諸心益加警省矣

持平李壽勛陳戒仍請敦召在鄉儒臣兼陳民事書批

覽書具悉有孚惕號所勉際至可不體念別諭事畱意末端兩件事依施爾其勿辭從速察職

掌令尹坊陳戒書批

覽書具悉夕惕在中有此陳勉可不體念爾其勿辭從速察職

副司直權相一陳勉書批

覽書具悉 聖候違豫焦慮萬萬旋復天和慶幸曷

喻所陳可不體念

持平李普觀請犯酒禁島配者更定律名達批
當初下教出於嚴隄防之盛意則今此所謂殊涉未
安而况身為執法之官限年之請尤極寒心所達不
從

大司憲金尙翼言事書批

覽書具悉災異之後懷惕之心尙今不已其所陳勉
字字是切余甚嘉尙可不銘諸心外方流丐救活事
及京外譏捕申飭事依施緣坐人分屬各處事及科
制事令廟堂稟處仰稟事其時 大朝處分至為允

當嚴明則其何若是卿其勿辭從速上來察任

大司成南有容辭元孫師傅書批

丁丑

覽書具悉非但賓客之職元孫師傅為任尤為緊重
卿勿過辭從速察職

右議政申晚引咎書批

覽書具悉卿懇攀號哀慕之中又遭此罔極之痛五
內摧慟而已 聖上積日哀毀焦悶曷喻卿須安心
勿辭即起視事

掌令金元行辭職書批

覽書具悉爾懇攀號摧慟之中又遭此罔極之痛五

內崩裂而大朝浹月侍湯之餘又積日哀毀焦煎曷喻屢次敦召未能招致寔余誠淺心甚忸怩爾以世祿之臣兼有篤實之真工闡義理釋經旨非山林養德之士何以能之而况輓詞製述之任才有新命爾勿過辭卽速上來補我不逮

右尹李應協請寢乙亥島配罪人減等書批

覽書具悉 聖上處分寔出於酌量余何更爲煩稟乎

持平金永燮請三倅削罷書批

覽書具悉仰稟事 聖心出於至誠大孝煩稟爲難

削版事其所爲果若所陳不可置而不問拿問後處之罷職事亦若所陳當此荐饑之餘豈可罷職而止乎一體拿問爾其勿辭從速察職

徽寧殿親行初虞祭時承旨舉條批

俄者亞獻樽所斟醴之際致有勺聲祝史推考可也 政院待罪達批

勿待罪昨當焦遑罔措之時時刻已晚而請外儀之聲連續入聞故慮有稽緩有所下令矣中官誤傳以偃然入睡當該中官則推考朝紙中偃然入睡則改之以稽緩最末入班者捧入現告

吏曹參議趙明鼎辭職書批

覽書具悉日月易邁七虞奄過攀號罔極之中摧慟一倍五內如割如割而殯殿啓櫬之期又在不遠尤切罔極爾其勿辭從速察職

領府事金在魯闕禮引疾劄批

覽劄具悉卿懇日月易邁兩陵因山奄過攀號莫逮之中又當今日尤切罔極以疾未參有何所傷卿須安心勿辭善攝

獻納安克孝論人書批

覽書具悉第一件事當此上下哀遑罔極之日欲售

舊習挾雜書陳良可寒心第二件事當此荐饑之餘善治守令不可數改亦不可置於黜昧之地令該府查實處之第三件事若如所陳事極駭然依施爾其勿辭察職

掌令趙重明論不言臺臣及李應協尹在謙書批

覽書具悉向者大朝絲綸以細瑣爲教則欲其阿護而至以惜乎臺臣之不以此爲言云者挾雜之心良可寒心爾其勿辭察職

大司諫洪重孝陳救臺臣請推儒臣書批

凌虛閣漫稿
覽書具悉遇災修省之日况值次對之時入對陳所
懷宜也而陳書不參殊涉未安其時入對儒臣之請
固是矣則今請還收何也請推儒臣尤過矣爾其勿
辭察職

副司直趙榮國辭職書批

覽書具悉 特教之下其何若是况藥院保護之任
與他有別尤不敢如此卿其勿過辭從速行公

朔寧黃應已獄案判

大朝判付出於至仁好生之德其在仰體之道不可
無參酌減死島配

抱川李日萬獄案判

今覽更查報辭其罪犯雖無可疑之端儒臣所達繡
衣時廉探一鄉民情則一契之會殆至四五十人而
及其看證推問則只是年老忠先一人故不無稱冤
之說云莫重殺獄既聞之後不可不十分審慎其令
道臣更查初檢官亦有疎忽之失從重推考

領府事金在魯劄批

戊寅

覽劄具悉卿懇 聖候愆度焦迫憂遑之中歲律已
改攀號哀慕一倍罔極卿年雖老氣力猶健且中樞
之任與他職有殊卿須安心勿復控辭善攝焉

兼司書朴盛源書批

覽書具悉日月迅邁 兩陵因山已訖練事奄過光陰如流歲律倏改攀號莫逮哀慕罔極爾其勿辭救護母病

大司諫洪名漢書批

覽書具悉誠孝淺薄遭此罔極之痛攀號莫逮五內摧崩時日流邁歲律既改 兩魂殿祥事奄近一倍罔極心膽俱割爾其勿辭從速察職

持平李鳳祥書批

覽書具悉爾懇日月流邁 孝昭殿祥事 徽寧殿

禫事次第奄過哀慕莫逮一倍罔極以余誠淺不能感孚招致無期心甚忸怩且經傳之蘊奧義理之微妙政欲資益於山林宿德之士况爾世祿之臣也余不可捨爾爾不可捨余所陳令該曹考例稟處爾勿復固辭即速上來補我不逮

持平蔡緯夏達批

第一件事其時入侍出於 大朝特教臣子分義豈不入來而已登筵席之後 聖上詢問之下為父訟冤理無不可則焉敢若是乎誠極駭也臺臣罷職之請亦涉非矣其勿更煩第二件事為親下鄉人子情

理其無不可則改正之請亦為過當不從第三件事
風聞之說不可盡信勿煩

黃海道平安道幼學朴漢等書批

覽書具悉先正之道德學行余豈不知而事體重矣
不可輕議不得煩稟矣

四學儒生宋煥翼等書批

覽書具悉兩先正之道德學行余固知矣而事體至
重不可輕議故不得煩稟爾等退修學業

同敦寧南有容書批

覽書具悉元孫師傅之任至重且緊不可輕遞卿其

勿辭往護母病

行都承旨尹東度辭新資書批

已卯

覽書具悉 聖候愆和遄臻康復不勝慶忭之至今
茲陞資式遵舊例卿其勿辭

憲府請酌決死囚仰稟依律勘斷達批

仰稟事出於 聖上至仁好生之德何敢煩稟

執義金元行辭職書批

覽書具悉爾懇 聖候愆和焦悶之餘遄臻康復不
勝慶忭以余誠淺未能感孚於爾招致無其期心甚
忸怩且讀經傳者所以闡義理也非林下宿德之士

於何受益須勿固辭即速上來補我不逮

左副承旨鄭基安辭職書批

覽書具悉日月流邁 孝昭殿 徽寧殿再葺只隔
數日一倍罔極 聖候遄臻康復不任慶忭爾其勿
辭從速察職

京畿忠清平安三道儒生生員元景翼等請先

正臣趙憲金集從享文廟書批

覽書具悉兩先正之道德孝行余固知之而從享事
體至重不可輕議爾等退修學業

因災異院議達批

近來災異無歲無之悚慄之中時氣乖常至有減膳
之 命寔余不肖不敏不能仰體 聖意之致尤切
懍惕所陳切至當銘諸心骨

前縣監宋明欽辭職書批

覽書具悉爾懇日月流邁 徽寧殿再葺倏過 孝
昭殿祥事只隔旬日哀慕一倍罔極余之誠意未能
感孚致我廷中而今我 聖上特勅官名至誠敦召
藹然懇惻之盛意迥出尋常萬萬今爾以世祿之臣
豈可不感激出膺乎目今輔教世孫不於山林宿德
之士期望而更於伊誰乎求之爾須仰承 聖上慤

海春君楳請省墓書批
勲之盛眷且念余日夕之苦企勿復固辭卽速上來
輔教世孫

海春君楳請省墓書批

覽書具悉日月流邁 徽寧殿再葺奄訖 孝昭殿
祥事倏過哀慕莫逮之痛一倍罔極卿其依所陳歷
省

綾昌君櫛乞遞廚院提舉書批

覽書具悉日月迅邁 孝昭殿祥事倏過 聖上哀
慕如新之中徹夜將事卽行謁 陵之禮下情不任
焦慮回鑾之後 聖候凡百康寧如昔幸忭曷喻卿

其勿辭從速行公

領敦寧趙載浩引咎乞免書批

覽書具悉卿懇日月如流 孝昭殿禫祀倏過追慕
之懷一倍罔極向者特罷之教出於 大朝哀慕中
一時飭勵而旋卽特叙卿何可過爲引咎以卿之恙
陪祭又不入參深用慮念卿須安心亟加善攝

領議政金尙魯引咎乞免書批

覽書具悉卿懇日月如流 孝昭殿禫事倏過耐廟
盛禮順成賀儀已舉愴慕一倍之中且切慶忭今茲
陞拜相職 聖意有在而目今鼎席俱備心竊以爲

幸當此大禮之時既在元輔之任何可過爲引咎乎
今茲賞典式遵舊例卿須安心勿辭亦勿引咎卽起
視事

右議政李瑄引咎乞免書批

覽書具悉卿懇日月流邁 孝昭殿祔廟禮成賀儀
誕舉愴與欣并一倍如新今者重卜 聖意有在而
當此大禮之時卿何過爲撕捥乎保護之任因卿引
入久不備員誠甚悶焉况卿之所遭 大朝業已俯
燭卿須仰體 大朝懇勲之至意且顧小子日夕之
蘄望安心勿復控辭亦勿引咎卽日造朝用副如渴

之望

成均館儒生捲堂達批

當初 聖教至爲明正在諸生之道惟當悚蹙之不
暇而乃反相率捲堂莫重聖廟空齋已至四日而屢
次下令終不回入有若欲與之務勝者然分義道理
俱涉寒心以此意各別曉諭俾於今日內還入

江華畱守元景淳書批

覽書具悉 大朝封爵回甲邦慶無前縟儀載舉慶
怵之忱曷有其極卿其勿辭速往欽哉

判府事李天輔因趙榮順書乞免書批

覽書具悉卿懇采徵之禮順成慶忭之忱曷有其極
趙榮順事非徒年久其時 聖教至嚴至正而不思
感改尚此斷斷於卿者誠極痛駭書辭之無謂業已
知矣以卿休休之量何必掛齒牙間而至有出城之
境乎况今莫重大禮期日已迫尤非大臣在外之時
卿須安心勿復控辭即日入來用副小子企佇之心

判府事趙載浩請省墓書批

覽書具悉卿懇 聖上封爵回甲賀儀已舉大禮順
成獲覩邦慶之無前慶忭之中尤切慶忭之忱頃者
大朝處分不過一時飭勵旋即特宥亦出 聖恩卿

何若是至今過引乎卿其依所陳往來

右翊善李福源辭職書批

覽書具悉 壺聖愆候不日康復慶忭曷有其極爾
其勿辭從速察職

說書崔光璧辭職書批

覽書具悉 聖上至誠憫旱兩次親禱達夜將事焦
悶曷喻爾其勿辭從速察職

正言李顯泰論黃海監司鄭玉正言安兼濟書

批

覽書具悉所陳體念而海伯事伊時 大朝特教除

辭

拜之後又因堂劄而大朝特命入侍因令辭朝則此乃大朝處分也既非冒膺則敢以壞廉防駭物情等語有所攻斥誠可寒心至於唐船事豈可並及道臣乎安兼濟事有懷輒陳雖曰臺體改正之請亦可駭也

獻納朴起采伸救正言李顯泰書批

覽書具悉李顯泰書語非徒挾雜私意海伯辭朝既出於大朝特教則渠焉敢以壞廉防等語書諸章奏乎所重在焉故特令罷職則三臺臣之聯名營護極為非矣下答中雖有寒心之喻優容亦至矣爾今

辭

又敢若是營護尤極未安而所陳如此寒心二字欲為還收爾其勿辭先為察職後護母病

左勸讀金元行引疾辭職書批

覽書具悉爾懇壺聖愆候不日康復賀儀已舉慶忭曷極聖上至誠敦召藹然懇惻况今爾以世祿之臣豈無惕然感動之心而既向近郊還尋鄉路此尤意慮之外勿復固辭即日回途用副聖上日夕虛佇之意余聞入城之報然後食息始安須體此意願余如渴之望

副司直朴致遠書批

覽書具悉所陳無論虛實有則當改之無則當加勉矣卿以耆老之臣言出憂愛可不體念焉

右議政李瑄陳懇書批

覽書具悉卿懇今此相任與他奔走之職大有異焉而况明日兩聖動駕邦禮莫重卿非徒相職兼帶藥院都提舉爲任至緊且重卿須安心勿復過辭卽起視事

左議政申晚陳懇書批

覽書具悉卿懇卿之情理余豈不諒而兩聖動駕卽是盛禮則卿之尋單適在此際大朝筵教旣嚴

且切而卿之終不變動誠不能無慨况旣無遠離之難且非奔走之職事豈或有妨於養親之道乎諒此意諒此意卿須安心勿復尋單卽起視事用副余意

領府事俞拓基陳懇書批

覽書具悉卿懇卿之疾恙尙今未瘳深用慮念畱都之任事體甚重仰體大朝命卿之盛意卿須安心俟間卽爲入城

嶺南儒生蔡景沈等請先正臣宋時烈追享於蔚山鷗江書院書批

覽書具悉先正之道德學行余固知矣事體至重不

凌虛閣漫稿
得煩稟爾等退修學業

領議政金尙魯乞免書批

覽書具悉卿懇 大朝靜攝之中親謁 陵寢還宮
後 聖候萬康慶幸曷喻其時得聞御乘驚逸之報
焦遑罔措心神駭越至今不能自定頃者重卜之時
聖上特下敦諭慇懃之盛意可透金石卿亦豈不感
動乎且鼎席雖備左揆連尋辭單只有右揆心甚悶
焉况今 聖上月三次對不憚聖躬之德卿以首揆
雖暫時豈忍恬然乎安心勿復控辭量其少減幡然
登途用副如渴之望

右議政李瑋引義書批

覽書具悉卿懇且今鼎席雖備左揆連尋辭單首揆
久處郊外登途茫然况卿是藥院則保護之任至重
且緊卿須安心勿辭卽起視事

判決事尹鳳九辭職書批

覽書具悉爾懇日月如流兩 魂殿禫事倏過愴慕
一倍于中 大朝封爵甲年載回賀儀已舉邦慶荐
疊慶忭之忱曷有其極屢次別諭幡然漠然心實愧
忸今覽爾章尤愧余誠之淺况爾以世祿之臣兼是
山林宿德之士則今當竭誠招徠之時捨爾而誰爾

其思余日夕佇企之思其勿固辭即速上來補我不
逮

領議政金尙魯引咎劄批

覽劄具悉卿懇以疾未參於卿有何所傷 聖上前
後恩諭亶出尋常况今災異荐疊方切懷惕之中卿
以職在元輔尤豈不幡然造朝乎卿須體 聖上懇
勲之盛意願小子日夕之佇企勿復固辭亦勿引咎
量卿恙之少減即速造朝弘濟時艱

諮議洪啓能辭職書批

覽書具悉爾懇日月如流兩 魂殿禫事倏過愴慕

一切之中邦慶稠疊賀儀已舉慶忭之忱曷有其極
因余誠淺未能孚爾而致爾心甚忸怩况爾既入城
中還尋鄉路此尤意慮之外勿復固辭即日回途顧
余如渴之望

右議政李瑄引咎乞免書批

覽書具悉卿懇輔相之任與庶僚有異而雖有一時
之美恙今當月三賓對不憚 聖躬勞憊之時何忍
恬然引退乎卿須安心勿復固辭體小子如渴之望
自量所慎即起視事

右議政李瑄辭藥院都提調書批

覽書具悉卿懇日昨 大朝有備員入侍之 命卿
以藥院都提舉之任何敢一時晏然在家乎况今鼎
席雖備首揆告病卿又控辭只有左相一人之獨賢
亦甚悶然卿須安心勿辭量所慎之少減其卽造朝
草土臣金致仁請收親臨之令書批

覽卿之書思卿之心傷悼之中若見卿父噫卅載今
成一夢追憶昔年愴懷采切所陳懇者特爲勉循慰
卿父於九原伸孝子之至懇而特答卿書以代臨視
書與臨奚異須將此答與手書諭卿父未殯之前噫
雖切此懷九原難作其既考終命庶可無憾矣

前副司直尹鳳九辭職書批

覽書具悉爾懇屢次別諭漠然無回心之望今覽爾
書愧余誠淺况爾有山林宿德之望今當招延之時
捨爾誰先爾勿固辭卽速上來

前縣監宋明欽辭召命書批

覽書具悉爾懇屢次別諭邈然無幡然之意甚愧甚
愧爾以山林宿德之士今當竭誠招致之時捨爾而
誰况勸讀之爲任緊且重矣爾其思余日夕翹竚之
企其勿固辭卽速上來

持平李允郁書批 庚辰

覽書具悉歲律已新感慕一倍昨歲邦慶荐疊欣忭
迫切陳勉切至可不體念趙進道事削科事重有難
輕議矣金光國事處事雖或未盡而論人何可如是
殊涉過矣鄭志浩李賢汲事風聞之言豈必盡信令
該府拿問爾其勿辭往護母病

右議政閔百祥書批

覽書具悉卿懇今茲枚卜出自 聖簡余方爲國事
欣喜前書之答已悉此意而未能孚感異章又至卿
何過讓若此余實愕然不知所喻卿須體 聖上倚
毗之至意念小子佇企之苦心安心勿復控辭卽日

造朝用副余意

領府事俞拓基乞休致再書批

覽書具悉卿懇卿年齡雖高精力尙旺此豈元老大
臣休致之時乎前答已悉而誠意未孚卿章又至余
小子不勝愧慙卿須安心善攝勿復爲請寔余之望
寔余之望

領府事俞拓基乞休致三書批

覽書具悉卿懇元老惟卿一人則今此休致之請余
豈仰稟乎前後再答罄竭心曲而一望之內卿章三
至愧慙之極復何多諭卿其安心少諒焉

領府事俞拓基乞休致四書批

覽書具悉卿懇聞卿來到城外心切欣喜而咫尺都門如是遲回誠過矣誠過矣休致之請前答已悉余意更何多諭卿須即為安心入城用副小子企待之意

判府事趙載浩乞致仕書批

覽書具悉卿懇邦慶無前 聖上封爵謝恩之日重回慶忭曷有其極向來 聖上恩諭之下一向處外尚不造朝每勞余企待而今此休致之請誠過矣誠過矣卿須安心善攝即為入城仰副 聖上慇懃之

盛意寔小子之至望也寔小子之至望也

副司直尹鳳九書批

覽書具悉爾懇屢次敦召視我漠然辭章又至深愧余誠之淺深愧余誠之淺近來筵開講易之時非山林宿德之士何以知微妙之理幽奧之旨惓惓憂愛陳勉直出血忱余豈不銘諸心骨念茲在茲乎爾其念余佇企之望即速上來補我不逮

掌令安復駿言事書批

覽書具悉邦慶无疆 聖上封爵謝恩之日重回歡忭曷有其極所勉亦誠甚切至可不體念山林之至

今未能招致由余誠淺今覽所陳心深恧焉當益加
留意移配事雖出於嚴防之意而南北移易未免騷
擾矣分館事使之依此申飭矣鄭煥猷事蒙駭之斥
殊涉過當論人何可如是乎注薦事事係改制不可
擅斷贈諡事事體甚重非臺臣所可論矣爾其勿辭
從速察職

左議政李瑄辭職書批

覽書具悉卿懇今者重卜 聖意有在况近日 聖
上親臨帳殿之時職在輔相之任豈可一刻引入乎
藥院保護之任至重且緊且有召命尤不可如是卿

須體 聖上慇懃之盛意安心勿辭即速造朝用副
小子如渴之望

持平金養心論人達批

李得宗具允鈺事卿宰之削版改正何等重事而一
筆并論少無顧藉論人豈可若是乎李聖穩南彥或
事殊涉過矣鄭文柱金樂洙權師彥事所論亦未知
其穩當魏興祖事 大朝當初處分既出於體下之
聖意則今此請竄極為未安矣李壽德閔塾沈益聖
尹冕東事依達

洛昌君檄書批

涉虛陽漫稿
覽書具悉今卿所陳若此身為士子詬辱崇品宗宰
誠極驚駭令該曹嚴查重勘卿方年老病痼因此事
而捲往鄉外未免太過事體亦不當如是卿其安心
善攝

副提學徐命膺書批

覽書具悉昨年 大朝以好生之盛德命取京外疑
案一併酌處而今因憫旱之時特遣御史於京畿者
聖意有在何可仰稟乎爾其勿辭從速察職

洛昌君檄書批

覽書具悉卿懇近來宗英雖曰零少 園幸陪從自

可推移為此叙用非余所可自斷矣卿須安心善攝

忠清道儒生員李義輔等請以朴六純享院

書批

覽書具悉先正之學行余雖知之事體重大故不可
輕議煩稟亦難爾等退修學業

正言趙台命論人書批

辛巳

覽書具悉所陳切實當體念而沈鳳徵李文燮事遠
外風聞何可取信而鄙瑣受賂之說既登臺章虛實
之間不可置之暗昧之中并令該府查處焉尹東柱
事所論過矣爾其勿辭從速察職

右議政洪鳳漢拜相後書批

覽書具悉卿懇今者大拜 聖意有在且今 聖候愆和藥院移直職在都提舉之任豈忍暫刻恬然乎况鼎席久曠艱虞溢目之時亦何可異讓卿須體聖上之深念顧小子之佇企安心勿復控辭即速造朝弘濟國事

判府事趙載浩辭職書批

覽書具悉卿懇 聖候愆和遄臻康復宣諭之禮已舉下忱慶忭曷有其極卿之所患尚今未瘳心用慮念扈衛大將之任緊且重矣仰體 大朝命卿之

聖意卿須安心勿辭俟其少間即為登途用副余佇企之望

持平李鎮恆以監試科榜試官族黨多參事請

該試官譴罷又以 聖后誕降基址錯對事請

該承旨譴罷書批

覽書具悉 聖候遄臻康復歡忭曷喻所陳切至可不體念第一件事國典應有相避之外雖或參榜其何以此聲罪乎殊涉非矣第二件事其時 聖上追慕俯詢之際率易仰對不是異事設或錯對以此譏斥誠極未安爾其勿辭察職

右議政鄭翬良拜相辭職書批

覽書具悉今者大拜允叶眾望 大朝之倚毗寔為世道頃日別諭追思卿兄之教至懇至勲卿可感泣小子之望卿又若大旱之望雲霓卿何固辭如此乎余之前事思之悚慄言之愧慙 聖上既已下燭又有特教此正小子悔悟自新之日卿於此時尤豈可異讓不念輔導乎况今鼎席不備心甚憫焉卿須體大朝懇惻之至意願小子如渴之望安心勿復控辭待交龜卽速造朝弘濟國事

臺臣李河述以兵判具善行杜門養病不接客

請罷職達批

重臣譴罷非余所專不從雖以杜門為罪不然矣比之浮囂躁競開門納賂豈不愈乎臺臣所論未知其出於公心矣

凌虛關漫稿卷之四

